



Fernand ETGEN  
President vun der  
Chamber vun den Deputéierten  
19, um Krautmaart  
L-1728 Lëtzebuerg

Lëtzebuerg, den 13/01/2022

**Här President,**

**Sou wéi den Artikel 80 vun eisem Chambersreglement et virgesäit, bieden ech Iech, dës parlamentaresch Fro un d'Ministesch fir Gesondheet weiderzeleeden.**

Säit Dezember dierfe laut Covid-Gesetz och ApdikterInnen Clienten an hiren Apdikte géint de Covid-19 impfen. Fir dat ze maachen, brauche si awer als éischt eng Autorisatioun vun der Santé, déi si eréischt no enger ofgeschlossener Formatioun kréien. Um Site vun der Regierung ([covid19.public.lu](https://covid19.public.lu)) fënnt ee beim Volet "Impfung" aktuell keng Informatiounen zu enger Impfung an den Apdikten. An och um Site vum Syndicat des pharmacies luxembourgeois ([pharmacie.lu](https://pharmacie.lu)), wou een d'Nimm vun allen Apdikte fënnt, déi zertificéiert Schnelltester ubidden, fënnt ee keng Lëscht fir d'Impfung.

An deem Zesammenhang wéilt ech der Ministesch dës Froe stellen:

1. Wéi vill Apdikter hunn sech fir eng Formatioun ageschriwwen?
2. Wéi vill Apdikter hunn dës Formatioun schon ofgeschloss?
3. Kann d'Ministesch eng Lëscht virleeën, mat all den Apdikten, wou ee momentan eng Impfung géint de Covid-19 ka kréien?
4. Wéi vill Dosen Impfstoff goufe bis ewell vun Apdikter gebraucht?
5. Falls sech bis ewell kaum Apdikter fir dës Formatioun gemellt hunn, wäert de Ministère zousätzlech Ustrengungen ënnerhuelen, fir d'Apdikter op dës Méiglechkeet opmierksam ze maachen?
6. Wou kann een d'Nimm vun den Apdikten noliesen, déi d'Méiglechkeet vun enger Impfung aktuell ubidden? Falls et Apdikte ginn, déi d'Impfung schon haut kënnen ubidden, wäert d'Regierung dës op hirem Site [covid19.public.lu](https://covid19.public.lu) schnellstméiglech oplëschten?
7. Wäert d'Santé sech och mat der Gewerkschaft vun den Apdikter a Kontakt setzen, fir dass och si eng Lëscht op hirem Site ([pharmacie.lu](https://pharmacie.lu)) verëffentlechen?

Mat déiwem Respekt,



[www.piraten.lu](https://www.piraten.lu)

---



CLEMENT Sven

Député



[www.piraten.lu](http://www.piraten.lu)